

三水縣志

三水縣志序



邑之有志也曷昉乎曰昉於禹之別九州也禹別九州首志山川次志土田志貢賦志里道及揆文奮武而終之曰

聲教四訖愆其久而或失也故鑄九鼎以象九州志不志後世龍門扶風遂祖之為一代良史左氏以為鑄鼎圖神姦使民不逢不若失則誣矣

余已酉秋蒞邕覽城郭之  
丘墟撫民生之痍瘵愀然垂  
襟索邑志閱之簡畧殘缺抑  
何陋也豳風固若此乎迺邑  
務殷繁輯修有待先度其有

關政教之大者如城垣泮宮  
武亭公署諸役悉捐橐爲倡  
漸次鼎新邇值隣氛告警風  
鶴靡寧翹翹曉曉不遑他矣  
茲鴟音泮集爰謀修志之舉

或曰甚哉吾子之迂也嚮者  
寇逼門庭守孤援絕人勸以  
西堡爲昔避患處盍圖諸而  
子毅然非之方軍興旁午征  
輓羽飛民瘼所不暇卹而子

則累牘爲民請命今雖買犢  
賣刀猶慮鳩眼未化蜚芻輓  
粟更嘆魴尾尚頰頤乃搦管  
修文迂濶寡當即修之而環  
堵蕭然其何能謀及梨棗乎

余曰唯唯否否效死封疆勤恤民隱此司牧職分耳誼何容辭若夫志猶史也有經不可無史且自萬曆辛巳距今垂百載其間營建之變遷戶

口賦役之隆替風俗政事之損益人物節烈之踵興參錯弗侔泯焉罔述倘輶軒俯採其奚以應况余待罪巖疆出九死而一生仰荷

朝廷特恩

上臺埏埴以有今日否則不  
幾負此志耶尤恐狼烟未靖  
縹緲散佚而文獻無徵是則  
誰之責也夫遂造

俶明文先生之廬請焉文自  
少白太青諸先生笙簧墳  
典赤幟詞壇海內傳誦已久  
俶明以揆天之才承世美之  
學固足闡揚曩懿昭信來茲

復佐以孝廉張君克其茂  
才文子龍軒張子僎文子崇  
袞馬子三錫王子達可輩皆  
一時英彥互相校讐余於公  
餘之暇時與印可闕者補之

疑者訂之俾勿貽或失則誣  
或失則陋之譏云爾凡四閱  
月而成余取而卒業閱山川  
志曰佳氣鬱鬱葱葱其始基  
之隩區乎閱風俗志曰勤而

不怨儉而不淫猶有豳之遺  
風焉閱田賦志曰噫嘻豳土  
瘠賦重匪公劉疇其篤諸匪  
郇伯疇其勞諸閱人物志曰  
美哉曩賢今哲鴻烈靡遺草

澤閨閩織嫩岡棄其月旦之  
大公平閱藝文志曰猗與休  
哉序記條議字挾風霜鉅賦  
詩歌聲宣金石洵史籍之鼓  
吹歟由斯以觀豳彈丸一邑

不可以九州例而上下魏千  
年揚挖豳先公之徽猷且數  
月間勒成垂百載之曠典聲  
教未湮揆奮兼備寧不與龍  
門扶風並傳不朽耶余猥以

謏劣叨附驥尾獲觀厥成亦  
所謂錄錄因人成事者余滋  
魏矣余尤幸矣旣屬藁授之  
剞劂適陳子之桂捐資二十  
金益喜有志竟成而陳□之

慨慷善並足錄云覽斯志者  
其亦可當翮風七月之圖獻  
否也是為序

峇


康熙丁巳歲上巳日

三水縣志序

九

文林郎知三水縣事溫陵

林逢泰謹識



重修翊邑志序

夫邑乘必資乎志猶家有  
全譜國有信史不可一日缺  
焉岡垂於來茲也史官立  
於黃帝厥遠有內外史以

序

志邦國而紀帝王之世緒者  
推乎司馬譜牒檢自太宗  
厥系有大小宗以志世族而  
圖廬陵之支屬者稱乎□  
陽故火以志事譜以志□

文釋志以記記其事昇地□  
隲詩而觀風則太師司之有  
志世道者謂述作之難莫先  
於志書事計言必辨而不華  
質而不俚敢不直指以核令

序

二

魚目混珠燕石錯玉為沮  
誦柱籀所譏哉翽為公劉  
立國原陞之野九原九陞  
交鎔成文謂之翽翽之山川  
本子午其地絡自北以南應

先天以胎易而剛柔結京□  
皇過之衍沃又地理自南以北  
應遠天以象詩而翽歛賡裊  
餼舟玉之治行□年小史外  
史掌四方邦國之志者宜稽

序

三

彼版圖以煒彤管何京原泉  
岡之不載於盥府也降而沿  
革不一甘泉逞即枸邑宋始  
自為甘泉元始併入甘泉而  
明季又各自為縣縣無之制

則志亦無定本邑之志創自  
子澤秦公而邑人馬養浩鑿  
編之不能畧分其類以便攷  
閱總括其要以提綱領茲  
土者咸少之瀛海李公輯

序

四

之於前濟南韓公又攬厥土  
風以補其遺柰讀禮言旅  
而延人代著則山川風俗僅依  
舊浸混淆錯雜如亂絲之  
不可理也我

邑侯林父母翹數千里之郵  
以莅邕甫下車□狀澄清見嶽  
瀆縈峭比閭愿樸有二圉遺  
風翠狀曰是必有開其先者尋  
徵獻而考典則漫漶無次耳

序

五

帙式陬陬鮮有譖笏僉謀紳  
士欲踵而華之而辰之易屬  
予搯觚四閱月莢舉邕之幅  
幘相度星壑地理咸繪譚圖而  
山川田賦人物風俗類臚一十

有七每類為引弁共端總成四  
卷付之剗劂我 矣于橐先  
倡之又正厥字之贗活芭奇不可  
問者句之鈎轉格磔不永諧者  
事之風襲耳剽岡足據者

序

六

悉較而汰之以為完乘及讀  
我矣諸詳議皆勤恤民隱  
實心實政宜勒金石垂之不  
朽病之朔殺青以告適為之  
叙曰分水嶺西之九川畫地

而爲翮郁狀有交鎔之文九  
龍蜿蟺以北駛五鳳翺鶉  
此南迴而中則翮應軋天地  
良人以聚手三才者獸據其  
隩區九原錯而文山九陞鎔

序

七

而文水崑侖蒼華之敦隆  
結於翮爲公劉鞠陶所都  
其聖文神武之總萃乎長  
卿曰翮玠文麟則幽文也子  
雲曰斐如邠爲則邠亦文

也作者必博蒐翮之山川地  
理咸協乎文計其地昇俗  
以載之文獻為述作之可  
徵益氏云其文則史史必有  
文以彰憲章垂鑒戒史之

序


八

有關於國大矣古者列國  
之史以裁討典所為邦國  
四方之志而邑之有志亦宣  
聖竊取之義則志又可讀  
夫史也核其事而直其文安

知不弇司馬之史歐陽之  
譜同揚屹於異日  
康熙丁巳病月上澣之吉  
賜進士第原任湖廣衡州  
府推官邑人文倬天撰

序

九



三水縣志目錄

卷之一

圖圖

邑圖

沿革

星野

卷之二

城理

山水

古蹟

三水縣志

田賦

風俗

卷之三

名宦

鄉賢

科目

武職

隱德

孝行

節烈

卷之四

藝文

詳序

詩碑

賦記

歌議

三水縣志



目錄

一一

三水縣志凡例

計十七則

一 豳國地絡必本子午故立其總圖知發祥之有原又繪邑治城圖臚列廨宇倉庫各有定制庶使觀者豁然

一 邑治遞有沿革或爲郇之封邑或統入淳化爲大林鄉或仍立三水興廢不一必稽其實以明營建之不畧

一 分野古昔弁之簡端今次列之以爲建邦必相流泉觀陰陽而躔度猶其緩者

一 地理爲設邑第一務今必攷輿地圖十道志陝西通志及三輔黃圖庶見輦有所據至於物產之細微不暇備錄

一 山水舊本互異不一今折衷諸家詳加考正卽有未盡摻入者付之闕疑不敢妄爲牽合

一 古蹟如雙槐堡飛雲洞諸勝難以枚舉而寺觀無幾亦前賢所締構者兼爲續入以備全觀

一 田賦今昔不同當從 今制禹貢爲原隰之野正以道其險僻側蹶之地形其稅浮於厥畝文太青減糧議林邑侯諸詳文兼錄以志其苦狀一風俗力穡崇儉詳載七月之章而篤公劉一什

經畫周詳想見直國遺烈今特錄二篇爲采風者所周諮

一名宦所以祀垂功德於民者永思甘棠之澤李楊而後循良備志首列公劉郇伯馮鄧諸人庶知古之有遺愛也

一鄉賢爲地靈傑出特祀璜右今竝舉周之皇甫唐之君集及後之名行成立者以見英流間出代不乏人

一科目爲闢門盛典翺雖未敢齒諸大邑而蟬聯鳳翥蔚爲國華振而大之是所望於後人

三水縣志

九例

二

一武職舊志不列然揆文奮武不可偏廢今特爲志以脩續武之風

一翺之舊志仙釋罕見特取其隱惠高尚孚乎月旦至若煙霞自痼枕流漱石者槩不敢錄

一翺之節孝俱關風化卽近代懿德淑行必取事行共著爲五比四閭所儀型者以光籍典

一翺之藝文不翅克棟今選其文之有資於政詩之有切於景者以摛其藻鴻篇而外不濫及焉

西極文倬天汎陽甫拜識





僻而陋之公劉之立國豳之谷正尙其地險以爲隩  
區也而抑孰知大陋之爲大文乎其山艮而水坤涇  
之來自乾而九川歸之原山則一本而九支原水則  
一經而九緯其山川之初生蓋自北而南經與緯皆  
原於北故先天之序因川分壤宜先上而後下以寧  
州之九龍川爲第一後天之位建國經野宜先內而  
後外以淳化之通潤溝爲第一水龍象也一水當一  
龍故九龍川當其九而以之名俗謬稱有九龍下治  
水何貽簪之九川行亦弗按地形者也九川次第畢  
入涇而九嶷山實鑱其右其峯五出俗稱五鳳豳之  
三水縣志

卷之一

三

形蓋五鳳當其前九龍當其後乾天坤地而艮人三  
才之象萃此矣一水當一爻九水則爲九爻一原當  
一陽爻一陞當一陰爻原陞各九合之則爲九爻十  
八變爲六畫封者三是宜有上三水中三水下水  
也寧州真寧之域上三水也由川之初氣故漫衍而  
不可以深棲淳化之域下三水也山川之餘氣故側  
迫而不可以立邑豳邑則中處而有京師之野與皇  
澗過澗之三水故特顓三水之名過澗今訛爲炭泉  
皇澗今訛爲唐川地中有水謂之師師亦水也今止  
稱縣川卽豳水而許氏說文以爲汎水至誤歸之於

右扶風志以邑之左右小溪玉泉白馬泉稍泉當之者又細甚卽文與可之丹淵集稱三泉亦沿俗未寤豳雖九水之總名而師野之水源獨遠配石門之巘宜特爲豳水也先天畫卦之序北下而南上則九龍川爲一爻是爲未濟之象宜爲玄聖素王之所產而後天封成之位內下而外上則以石鼓原爲一爻是爲旣濟之象故爲公劉太王之所宅石鼓原象一陽爻爲初九通濶象一陰爻爲六二十里原象一陽爻爲九三小峽象一陰爻爲六四三里原象一陽爻爲九五姜源象一陰爻爲上六此下一卦也古公原象

三水縣志

卷之一

四

一陽爻爲初九豳水象一陰爻爲六二半川原象一陽爻爲九三過濶象一陰爻爲六四北宮原象一陽爻爲九五皇濶象一陰爻爲上六此中一卦也琴山原象一陽爻爲初九羅川象一陰爻爲六二文樂原象一陽爻爲九三龍門川象一陰爻爲六四武昌原象一陽爻爲九五九龍川象一陰爻爲上六此上一卦也九原則半川當其中九陞則過濶當其中八川皆源於山而此濶獨源於半川之後川原半故謂之半川實象太極陰陽之交是以先夫子產於職田而家於半川當原陞十八爻之中也此蓋天地自然之

易故公劉孫子乃有文王之重卦而終於既濟未濟之兩卦天實先開之矣予近久由潛乃寤謬以公劉立國之初所經營於某原某陞與其所葬於某原某陞者定卦爻之變而歷推之至先夫子之生某原某陞者爲卦之再變以演豳易之運而□十九十六變皆可推若饒舌而實有當焉者也

豳谷考

文翔鳳

不窋自邠竄戎翟之間爲慶州寧州於南北朝爲邠州公劉城在州西大似所謂京高丘者但弗入豳谷之隩而塚固在邠州三水之間矣宜其國爲近朱子

三水縣志

卷之一

五

詩傳豳在三水按篤公劉一詩其山川全合陟則在巘則石門卽豳山豳山名亦水名也而寧邠間更無他巘所謂降而在原者信謂此逝彼百泉則諸陞谷之泉源不啻百又奚以三泉之細而名之南岡則邑翠屏巖也半川殆其立國之野所謂京而邑之川卽師水是謂京山師水地中有水曰師豳雖九谷之總名而其建國之大川宜顓稱豳水九原槩壁數百尺而水伏其地中師象也所謂土厚水深者正謂此北山北耳皇澗卽唐川之訛也可夾而居者也過澗卽炭泉之訛也梁渠源於半川之後而其下流爲炭泉

獨南轉而過其國宜爲過澗炭泉之名見丹淵集可  
遡不可夾也唐以南邠州爲邠州其以州左右小溪  
當二澗者誤高辛氏不都豳柰何邠城而有篤生后  
稷之隘巷蓋衝郵之吏餽而表之以重地而亦弗問  
邠邠之不相涉邠州蓋所謂度其夕陽者詩稱涉渭  
不稱涇豈立國於涇之畔而曾弗之齒耶同官有漆  
至耀州而合沮又安知所祠哭秦之姜女不卽爰及  
姜女之訛乎而淳化之姜源亦當爲太姜之里蓋謂  
太姜實源於此耳其以爲姜嫄者亦誣蓋吏之以嫄  
代源而表餽之以重地者也永壽爲唐漆縣求其漆

三水縣志

卷之一

六

而弗得近始詢得於九巖之陰細甚又不當率西之  
道其建邑蓋誤以率西之澣爲漆沮而遂以名而束  
又因縣以餽實之亦豈果有兩漆沮如雍錄諸說謂  
詩書不相協乎書稱涇屬渭汭漆沮旣從同耀之水  
實入渭而清碧如漆也詩止云率西澣不言漆柰何  
強而傳之其云自土沮漆亦非謂豳隩果在沮漆間  
蓋道其遐僻之界而陶復固自在谷中也乃爲善說  
詩西澣蓋卽今大峪底窖諸水而必以爲率漆沮而  
西也宜其裂詩書而二之寧州真寧蓋北豳豳之脈  
淳化蓋南豳豳之腴同官耀州蓋東豳邠州永壽蓋

西豳豳之腋三水蓋中豳豳之腹而寧州其寧三水皆立豳豳中谷九而原陞錯故謂之豳淳化往卽三水縣宋始自爲淳化縣元始併入淳化而明朝始各自爲縣也自寧州城以北原卽直北而淳化城以南川卽直南無所爲艮山坤水者不爲豳同耀邠永並在九谷外則一經九緯之豳吾邑實據其隩區矣班叔皮之自長都之安定也北征賦所謂邠邠邑鄉者吾邑也杜少陵之自鳳翔之鄜延也北征詩所謂木末水濱者吾邑也許氏不諳地而以汎水歸之扶風縣是以豳爲岐也汎蓋豳邠同而水表之豳字兩豕

三水縣志

卷之一

七

分附山者豕水象也分附者子午嶺分水以東西也邠蓋八字分而西立邑於其水際故邠目之也凡分則象八分從八從力故自分水嶺以西則爲邠也是邠之爲言文也亦分也分陰分陽而後可錯以成文九谷分壤地而爲原陞故分文之兩義兼也汎蓋外八而中一之象此九原九陞之所以爲豳爲邠也


邑圖


凡建邦國周禮形方氏正其疆界不華不離而後  
 匠人以土圭度其地而制其域求日景於地中尺  
 有五寸取天地所交風雨所會陰陽所綸方百里  
 而封樹之故公劉一詩所謂瞻溥原而陟南岡觀  
 相所協依京而為處廬語言之地舟王以聽政者  
 遐哉罕覯矣及攷其營建自明成化楊尹豫度枕  
 原而面河墉崇以六弓基闊以五弓池濬以五弓  
 週以五里五分內之公廨咸備柰歲久頽圯綱紀  
 攸斲已西林侯泰逢下車力葺其隍池公堂象璜樓  
 櫓自于橐先倡之輪奐聿新更拓其舊圖志邑治

三水縣志

卷之一

八





邑名

三水縣志

卷之一

九

通志云邑名三水者以縣有稍泉白馬泉煖泉因三

泉故號三水也

文與可丹淵集稱邑爲三泉

太青子曰縣治有汎水與皇澗過澗故顛三水之名

豳風朱子詩註曰豳即今邠州三水縣是也

豳谷通志云縣在州東北五十里公劉立國處即三

水舊縣

宋敏求三輔圖云郇邑城在治東二十五里爲周之

文王第十七子封郇侯詩稱郇伯是也其地卽三

水廢縣焉

三水舊城東西六里南北半之遺址尙存

一統志三水廢縣在治東二十五里即盧芳所據者  
豳亭在州東北五十里

廣延亭新莽更三水縣爲此

夫豳肇封於虞夏疆域綦廣自州泉邑均稱以豳至  
攷篤公劉一章邑之山川悉與豳合而邠州殆所  
謂度其夕陽地耳公劉立國於豳谷當九原九陁  
之中於三水爲近即其京而邑之者按諸書所載  
則舊縣與豳谷同區而豳亭卽舊縣地也廢縣縣  
邠城同區而廣延亭又廢縣地也今之縣治去舊

三水縣志

卷之一

十

縣里許所稱中豳者以此

城池

建置自明成化十四年邑尹楊豫爰始謀之迄成化  
二十二年新尹馬宗仁克落厥成鑱以記焉城高  
以三丈基廣以二丈五尺池深以一丈週以五里  
五分有奇西北枕□谷東南臨溪□厥門有四□  
尹秦渠名其東曰賓賜南曰凝薰西曰志岐北口  
拱辰緣歲久崩湮庚戌林邑侯重葺其垣樓工竣  
顏南樓以舟翠其四闔各榜厥名翼翼以爲極也  
公廡

縣治在按察分司之右當元廢縣時爲巡檢司至明  
成化年邑尹楊豫築垣以二里三分高以二丈五  
尺內建正堂五間簷棚五楹而後尹秦渠又建退  
堂三間因年久傾圮數載邑宰聽政於震風凌雨  
之下己酉林侯蒞任即重脩建之經營不日而成  
顏其大堂曰思輯後堂曰鑑水公堂爲之攸新  
官衙在鑑水堂後正廳三間扁曰甓香取運甓焚香  
之義東西廂各三間

鑾駕庫幕廳俱在正堂之東邑庫之前

東列架閣吏戶禮房一十二間

三水縣志

卷之一

十一

西列承發兵刑工房一十二間

戒石亭在儀門之內甬道中唐表以欽若

儀門三間角門二座傍豎馬尹脩城德政碑

迎賓館三間在儀門之外

土地祠三間在賓館之右俱明嘉靖年建林侯重脩  
省耕樓在縣衙之東

同亭在縣衙之左爲鄉射以觀德林侯新建

譙樓五間甃石作臺下爲大門舊尹劉滂移鐘於上  
林侯重建之題二柱云山曰屏維邦之屏八里盈  
寧崇保障縣名水此心似水三泉澄澈映冰壺以

紀勝也

旌善亭在譙樓之南  
中明亭在旌善之次

典史衙在幕廳西前廳三間正屋三間東西厦六間  
縣獄在捕衙之前建欽恤廳三間畫一祠一間

察院一座在縣治左廡宇久圯皇華之駐節無其所

林侯菁之顏厥堂以咨周

即舊分司也

雙槐堡連城西舊誌載爲李思齊屯兵處明季辛巳  
流寇猖獗邑侯高知僉謀申請築城豎橋分立縣  
治倉庫於其上順治七年邑侯王儒復申請葺脩

三水縣志

卷之一

十二

歷年倉貯囚之康熙乙卯丙辰間林邑侯以隣氛  
未靖爰同堡衆脩城垣通橋道衙宇倉廩漸坎重  
新題其堂曰井勸邑紳文倬天手題其亭曰芟柳  
憑高阻深與縣城相犄角調度守禦誠一邑保障  
也

文廟

先師廟在明倫堂之前枕廣原而環汎水自萬曆癸  
未改建歲久傾圯鞠爲茂草辛亥林邑侯先即捐  
俸重脩命諸生張僎等鳩工不三載而廟貌聿新  
又濬泮池久湮者以甃之獲其殘碣始識九十餘

年之未暮者經營告成邑人文倬天撰文鑱以銘厥績焉甲寅陽至落成之日邑侯集諸生逞謁或紀以詩或叙以文列于後詩文內

先師大成殿七間各邑皆水主而沿舊像之東西廡各七間祀乎先賢以輔聖功也

戟門三間置戟其闈門如腳鼎之扃

櫺星門三座櫺星者應門也

泮池一區泮即汧也泮以象璜有采芹之樂太和門一座取太和元氣表其大道大德也

啟聖祠在先師殿之左祀其所本也

三水縣志

卷之一

十三

敬一亭以講堂爲崇德廣業也

祭庫以掖宰牲房以墼所以備春秋兩祀也

名宦祠翼以左報有功惠於民者

鄉賢祠翼以右表其道義以式間者

重脩文廟碑在正殿之前

學宮告成題咏碑在戟門之左壁

續脩泮池碑在戟門之右壁

儒學

明倫堂五間簷棚五楹在

先師殿後林邑侯議欲重新未逮但脩葺足蔽風雨

時於朔望集紳衿耆民宣講

六諭鐸書聽者感悅有構訟者自悔請釋題二語云  
非禮勿視非禮勿聽非禮勿言非禮勿動當思仁  
由克己所求乎子所求乎臣所求乎弟所求乎友  
要知道不遠人篆之堂柱

博文約禮齋各三間號房東西各七間久廢

二門一座角門二座東曰起鳳西曰騰蛟

大門三間康熙丁未邑尹李弘名重建

桂林坊在南街射圃在文廟東俱久廢

卧碑在明倫堂左程子四箴碑藏敬一亭內

三水縣志  卷之一 十四

文昌閣在東郊今議移建文廟東

教諭宅在明倫堂後正廳三間東廂房三間

訓導宅在教諭宅右正廳三間西廂房三間

### 神廟

城隍廟在東門內正殿五間饗殿五間川堂三間寢

殿三間鍾鼓樓二座迎禧樓五間東西司房各七

間萬神堂在左寧一宮在右角門二間大門三間

明弘治邑尹馬宗仁張珩同邑八馬致遠相繼脩

建嗣後代有葺脩廟貌維新乙卯林邑侯三重塑其像乃明宣德三年造

關王廟在城隍廟之右頰南闔以鎮邑城也

壇壝

社稷壇在西廓門之外

風雲雷雨山川壇在東澗河之西岸

邑厲壇舊在東郊林邑侯以爲東屬生氣之方者陽也而厲壇所祀主陰事以陰叅陽位有礙一邑生養之道壬子自捐俸改置西門之垆外

演武亭在西廓門外林邑侯重脩時集鄉勇演習爲守禦計

祠宇

丞相祠在縣西十五里祀漢唐宋第五倫琦均三丞相

三水縣志

卷之一

十五

學士祠在縣西南三十里祀宋學士范祥范育父子沿革

夫三水之邑名肇自西漢不知即古豳國也后稷之嗣不窋失官自郃而竄於戎翟越數世公劉相度地宜立國於豳谷至十六王始封郃伯於茲地而陰雨及其四國繼周興而又地入王畿東遷之後以其地錫秦之襄公自秦及漢俱屬內史永光改元始置三水縣魏之大武亦如之隋唐以來吐番入訶屢有移易嘗以淳化入三水矣元至正間

又以三水統入淳化明之成化始割淳化之十六里爲此邑尋而弘治間以人逃地蕪裁去四里及崇禎壬午以大荒後又裁四里參朝沿革不一而一經九緯之豳三水允據其隩區矣志沿革

### 歷代建置

周后稷之曾孫曰公劉爰自戎翟相度地宜而立國於豳谷故爲豳國

周武王巡狩之後陟喬由河以涇渭爲藪澤而豳地列王畿之內

周平王東遷以豳地賜秦襄公

三水縣志

卷之一

十六

秦始皇時豳屬北地郡尋改爲內史

漢高帝初豳屬塞國後屬渭南郡九年郡罷又改入內史

漢景帝二年循郇侯之封置郇邑屬右扶風郡

漢元帝永光元年改置三水縣

新莽復置爲郇邑盧芳據之

魏時置護軍省入北地郡

魏大武真君八年復置三水縣入北雍州

西魏太統元年升置爲恒州十四年移於今邠州西北一十五里

晉罷護軍省屬新平郡

隋開皇三年仍置三水縣屬北地郡

隋大業初爲隴川堡屬邠州

唐時豳屬京畿關內道

唐代宗元年吐番焚略移縣治於職田鎮

唐元和四年復移其古治

梁時豳隸永平軍

後晉改屬晉昌軍

後唐及漢俱入永興軍京北府

宋時改屬熙河路

三水縣志

卷之一

十七

元時移入慶元路後省入奉元路

元至正十八年改治入淳化縣屬鳳翔府

明初改奉元路爲西安府成化十四年復立三水縣

隸於邠州

文光祿曰淳化往卽三水縣宋始自爲淳化縣元始併入淳化而明始各自爲縣也


星野

周禮保章氏按星次分野後世因之觀象察變者  
鑿鑿不爽蓋陰陽之精在天成象在地成形景移  
響應其理一也禹貢雍州星□井鬼當鶉首之次  
自井十六度至柳八度維□與豳及北地上郡咸  
應之天文家以北斗之魁第一星曰天樞灋日而  
主秦又以斗杓之用昏建者自華山以西南之地  
爲次則秦豳兼屬焉元命包曰東井主水衡也正  
義曰井八星鉞一星鬼四星爲質一星爲鶉首於  
辰在未皆秦之八野則井於豳爲近豳以兩豕分  
三水縣志

卷之一

十八

附山者豕水象也分附者子午嶺分水以東西也  
而縣之名亦從乎水則主水衡之東井故有以□  
夫豳也志星野



星野正占

張衡云秦豳豸北地上郡接壤其星躔自東井十六度至柳八度爲鶉首之次其辰在未

元命包云東井八星主水衡也

天文志曰井宿主水泉及諸侯三公之位明大則封侯建國

西漢書曰東井爲水事其西曲星曰鉞主伺乎奢淫而罰之

正義曰東井八星鉞一星輿鬼四星爲質一星爲鶉首於辰在未皆秦之分野

三水縣志

卷之一

十九

又曰井爲黃道之所經迺天之亭候主水衡事法令所取平也王者用法平則井星明而端列

天文志曰鬼二度主祠祀之事明則五穀熟

正義曰輿四星主祀事以明察姦謀東北星主積馬東西星主積兵西南星主積布帛西北星主積金玉隨其變占之

晉灼曰輿鬼五星其中白者爲質

西漢書曰柳爲鳥注主木草注作喙也孫炎曰朱鳥之口也

天文志曰柳十四度主飲食倉庫酒漿之事明則人

豐酒食

正義曰柳八星爲朱鳥之味迺天之厨宰也主尙食和滋味

星野附占

太史公曰北斗七星所謂璇璣玉衡以齊七政

春秋運斗極云斗第一星天樞第二天璇第三天璣

第四天權第五玉衡第六開陽第七搖光自一至

四爲魁自五至七爲杓合而爲斗

文耀鉤曰斗者天之喉舌玉衡屬杓魁爲璇璣

馬融註尙書云七政者北斗七星各有所主第一曰

三水縣志

卷之一

二十

樞主日法天秦也

宋天文志曰北斗第一星曰天樞其分爲秦

按考要云周禮保章氏掌封域分星以觀妖祥斗之

七星亦各有屬不獨杓衡魁三者而已斗之魁第

一星主秦也

西漢書曰斗之用昏建者杓杓自華以西南

孟康曰傳云斗第七星法太白血杓斗之尾也尾爲

陰用昏又在陰故應西南

正義曰北斗昏建用斗杓星指寅也杓者華山西南之地也